

豫章叢書

第七三冊

兵跡卷三

甯都魏 禧凝叔編輯

將獸編

馳馬 夫馬止騎乘而已而名將用之則皆計就其性情悉之劉錡于暑月度敵馬渴毒頰水草金馬悉斃從其飲也于謙度虜將至通州必資草厰料乃使人燒之所遺者悉清毒藥從其食也畢再遇與敵持久俟其馬飢乃以香料煮豆佈地詐敗誘及馬聞香就食驅策不動因以擒敵從其嗅也有以熟馬縱野誘敵奪乘臨陣使馬牧喙之馬聞聲歸陣負敵就擒

從其聽也杜預日夜行馬不相見則鳴班列晉邢伯
曰有班馬之聲齊師其遁乎從其鳴也丁譚被圍使
人分馳所乘紫騮二馬誘敵分追已從中脫從其色
也齊桓以駝蹋沙而得沃李文忠因馬跑而得泉秦
人因馬馳而成邑從其識也就其身體悉之史慈明
馬浴于河李光弼擇乳馬置隔岸而遠其駒乳馬嘶
鳴不已敵馬悉渡青海有小山吐谷渾冬月置牝于
上則皆生駒大宛有高山多佳馬取五色馬母置其
下則生駒多汗血則牝可計齊桓伐山戎迷歸管子
曰老馬識道悉置老馬于前賀若弼欲取陳而恐其

覺所陳皆老馬則老可計冒頓誘漢高所出皆羸馬
則羸可計李維楨曰秋高馬肥虜出宜防則肥可計
魏珪追慕容寶謹束馬口吳人伐晉秣馬繫舌使之
不鳴有以強馬疾馳幾負入敵轡馭不回乃以兩袖
蔽其目虜掠中國之馬勞堪曰中國馬開鼻不能入
雪嚙草根遇冬則死雖掠無益則馬之口舌皆計也
荀偃伐秦曰瞻余馬首王胡擊馬咸以十騎縛戟馬
首使前不得轉諸軍隨後伯宗絕宋曰難及馬腹李
敬業臘山被焚剖馬腹而藏吳漢伐蜀墮水緣馬尾
而上楊璇揚灰布熱馬尾侯景破慕容紹宗下斫馬

足韓世忠破拐子馬用滾牌斫馬足李顯忠猝遇敵
馬取其善者餘悉折其足倭斃武尙文伏兩刀雙斫
馬足則是馬之首腹尾足皆計也涓人賈骨千里馬
至秦穆賜食馬肉者酒戰獲晉君徐敏劉岳兀术糧
絕食馬肉韃靼逾沙漠無水渴飲馬乳取恭絕水窄
馬糞飲汁渾城焚雲梁聚馬矢益薪察罕襲靈壁聚
馬矢致煙晉明却追兵賂老婦掘冷馬糞成祖躡虜
尋及馬糞則知虜在馬防曰匈奴候騎見馬矢有粟
卽報漢兵之出則是馬之骨肉乳血糞汁皆可計也
就其用物悉之韓世忠陽退守江而陰進大儀曰視

吾鞭所向阿骨打渡混同曰視吾鞭所指而行晉明
遼王敦遣七寶鞭委追騎傳玩而脫王澄防王敦害
之以二十人執鐵鞭爲衛臨南欲殺楊越則故墮鞭
使拾從後射之郭循刺費禕鞭藏小刃段干人曰墮
雖良疾難致千里長于牽繩薛仁貴置空營餓馬應
鈴搖鳴不已安都劾里卸鞍而戰望苴蠻不鞍而騎
李廣遇匈奴大至下馬解鞍疑敵引去馬起追操許
褚舉鞍蔽矢石右手刺船則是鞭繩鈴鞍皆計也注
產良馬往來水側善取者乃爲土人執鐵勒俟之久
之馬與土人相習乃自代之貫勒而歸鮮虞食馬枕

轡不憂崔慶而謀自集宋太祖繁纓飾馬以自表著
使人望而畏焉晉公子偃犯宋以皋皮蒙馬胥臣潰
陳蔡以虎皮蒙馬則勒轡纓蒙皆計也高歡禁軍士
犯麥過輒使軍士下馬步牽王越夜脫虜使人牽馬
次第而行俾不嘶鳴賀若敦樞馬畏舟向舟則痛策
乘以投敵馬見舟堅持不上誘敵登岸而伏發兀朮
三騎貫韋垂鎧連鎖慕容恪擇鮮卑勇而無剛者以
鐵鎖連其馬爲方陣而破冉閔吳玠唐太宗聞竇建
德欲伺唐牧馬河北而襲武牢卽留馬千餘牧河渚
以疑之而還迎敗金金退河東不敢逾河飲馬石勒

將郭敬詐稱大軍至使人浴馬于津週而復始晉周
撫遂棄襄陽走則牽策貫鎖牧飲浴皆計也冒頓圍
漢高所騎各依四方之色李嗣源見梁以赤白馬分
兩陣旗幟鎧仗如之謂曰有其表耳犯白馬則在力
不在色也匈奴激漢則縛馬足置塞下曰我乞若馬
魏侯淵獲韓樓五千人悉還其馬使歸隨以兵叩其
城敵疑爲應而走則乞馬與還馬皆計也有以敵箭
左及則下馬右蔽兀朮金山墜馬躍上復走則下馬
與上馬皆計也虞卿說魏通楚魏曰馬力難勝千鈞
言非其任也季子謂將公孫衍而聽計田需服牛參

驥不能百步言不相善也封衡止翟斌勿違燕爵曰
馬能千里不免羈絆明不可爲人禦也魏攻邯鄲季
梁止之曰之楚而北其面馬良愈違矣言用非其道
也高歡剪惡馬不加羈絆曰御惡人如是此御人如
御馬也封奔單馬說逢約戒勇力張安見其氣稍降
則哭前持其馬挾之而歸此制人須制馬也趙盾秣
馬蓐食潛師夜起齊侯不介馬而馳光武慕容沖初
起以牛代馬孔明木牛流馬女直有狗車木馬唐賽
兒剪紙爲人馬皆奇機異狀未嘗不從馬生也卽以
馬而論之慕容廆欲棄棘城赭白不肯出尋敗石虎

吐谷渾欲止勿遷馬不肯回開國千里則知興劉興
居反馬悲鳴不進卒至自殺苻堅欲寇晉廐馬驚逸
軍敗不歸則知敗孫堅討董卓創仆草中馬還營鳴
呼軍人隨而得之苻堅爲冲所敗墮澗莫出馬垂韁
不及蹠而授之則知救主王楨爲石和尚所殺馬三
百里歸悲鳴毛鬣盡赤嚙死陷楨之同知王則知報
仇李克用被王鎔所襲匿于林中祝馬勿嘶而免難
施雷伏棗林四日馬不嘶鳴而敵出則馬亦善藏阿
骨打之馬浮渡混同石越寇晉五千騎浮渡漢水伯
顏之馬能浮渡大江昭烈馬躍檀溪孫權馬躍合肥

斷橋晉平公駿馬可以伏虎青驄汗血可以千里則馬各有能也然馬不可令飢司馬相如通西域每記水草善處故漢馬出塞未嘗乏絕漢明欲征匈奴竇同曰塞外草美馬不須穀我明畜馬預立牧養草場之地故計之者刁雍曰蠕蠕草盡馬飢必走王君毳謀燒塞外草盡絕劉仁恭每秋後輒燒野草契丹馬飢聽約束甚謹馬亦不利于險李成以騎反列山林而敗高開謂騎利于平冉閔步卒入林則難制須引使出而計之者李允則隙地種榆呂蒙柴斷險道朱遵絆馬埋輪故曹仁遇柴棄馬步走馮異鄧禹爲赤

眉所敗棄馬而走馬不利泥李全失田而陷蔡啟元
入泥不拔馬不利寒勞堪云虜馬冬無積草遇雪壤
嘴草根瘠甚僅活凡掠中國之馬盡死開鼻不能入
雪嘴草根也馬不利暑晏子曰大暑疾馳甚者死薄
者傷馬不利食穀足重難行馬不可乘異慶鄭曰乘
異以從戎恐及懼而變馬亦有所畏見象則走見虎
豹則股栗故南蠻嘗以此取勝亦不宜乘夏先行漢
文曰無庸獨先宇文邕曰獨先安之苻堅討止汗血
稽紹扈輿却佳成祖馬先失利不可不鑒也然苻融
馬倒被殺胡琛馬蹶被執劉漢墮馬傷膝冉閔朱龍

斃而就擒乘不可不長也韃靼人必數馬疲則易之
劉聰失馬李景年以已馬授之劉曜失馬傅虎以乘
馬與之幾不能免又不可不多也曹瑋選馬馬必勝
甲兵安祿山陰選勝甲馬于范陽求其善也曹瑋立
馬社或有賜予功賞則皆相助次第置馬虞詡罷諸
郡兵令各出錢數千二十人共置一馬石虎欲攻慕容
皝令民馬敢匿者腰斬奚斤破赫連昌馬少令于
安頡處斂騎黃霸發騎詣北軍馬不適士士多馬少
爰是坐貶臧宮討公孫述矯制取謁者馬七百以自
益張循聽老卒往外國貿易以美女易駿馬勞堪曰

虜近塞畜牧夜無關視邊將令人盜之以歸求其多也漢武得宛馬數十匹而侯李廣利則失葉盛以餘粟易戰馬千八百匹而優遷則善矣然遡考其法廩以畜馬之責委之伯益周以芻秣之式掌之六官而其屬則有校人掌王六馬有庾人掌十二閑趣馬齊其力巫馬治其疾馬質平其價牧師掌其地圉師掌其教圉人掌其役漢初民出算賦以修車馬于內地勸民養馬有一匹者服卒三人武帝行自封君而下至三百石吏以次出馬又循馬復令因養馬免徭賦又令民得從官假馬毋而歸其息十一匿馬者有罪

列侯犯者腰斬內郡不足則藉民馬以補車騎邊郡不足則發酒泉騾駝以負糧食唐初令太僕葺其政
玄宗以空名告身易馬于六胡肅宗收兵乃詔百僚
以后乘助軍代宗括民馬爲團練憲宗又以絹市馬
宋太宗以京馬分牧于諸州真宗又置騏驎院王安
石行保馬市之夷狄或易以布帛或易以銅茶南渡
後置監于餘杭之南場我明內地民牧以給京師外
地官牧以給邊二又于四川陝西立茶馬司以茶易
蕃馬此歷朝之馬政無過于官養民牧括之易之市
之數法司牧者可不審其善歟

騎 桓範曰騎士爲軍鋒銳蔡邕云幽州突騎爲國
膽核趙充國善騎韓嫣善騎曹真將虎騎曹休領豹
騎公孫瓚常與數十人乘白馬爲翼鹵薄圖有幽州
突騎豫州蕩騎各五千傅咸鄭翊分三駕騎利平地
李成反列山林則敗高開將騎引冉閔出林而勝則
以騎擊步奚斤攻赫連昌日以步擊騎終無捷理募
勇士歛騎破之則以騎擊騎李廣子敢率數十騎直
貫胡騎則以少騎擊多騎虞詡曰虜騎風雨來去勢
莫能及乃罷諸郡兵市馬以萬騎之衆逐數千之虜
自得矣則以多騎擊少騎選騎士有法太公曰年四

十以上七尺五寸以上壯捷者爲騎士居騎士有法
趙武靈王破康陽使騎士居之曰騎邑而厚待之騎
士爲奇出奇爲騎

牛 李矩令所在牛畜散野誘勒軍爭取而發伏石
勒先驅牛畜入城塞王浚街巷使伏不得發李收縱
牛畜滿野誘敵大至而後擊曹瑋故掠牛畜緩行誘
虜遠追而后乘布智兒創甚金誨剖牛腹納之而甦
秦師襲鄭弦高矯君命以牛犒秦師孟明以其有備
而還皆從牛運計者也漢光武初起無馬騎牛慕容
冲使婦女男服乘牛爲馬揭竿揚土田單爲火牛灌